

Հոգեւոր Հովիւ
Ժիրայր Վրդ. Թաշճեանի
Գրաւոր Ձեկոյցը
Ս. Երրորդութիւն Հայց. Եկեղեցւոյ
Ժխական Ժողովին
Կիրակի, Յունուար 27, 1974
Թորոնթօ

Սիրելի անդամներ ժխական ժողովի,

իբրեւ զաւակները Հայց. Առաք. Ս. Եկեղեցւոյ, սրտագին սիրով կ'ողջունենք Ձեզ ըլլորդ, յանուն Հիւս. Ամերիկայի Արեւելեան Թեմի Առաջնորդ Գերշ. Տ. Թորգոմ Ս. Արքեպիսկ. Մանուկեանի:

Կը մաղթենք որ պատկառելի այս ժողովը պատասխանատուութեան խորունկ գիտակցութեամբ եւ աննախապաշար ոգիով յանգի արդիւնաբեր եւ շինարար որոշումներու ուղիղ գործադրութեան, ի փառս Հայց. Առաք. Ս. Եկեղեցւոյ եւ ի մխիթարութիւն հայ հաւատացեալ ժողովուրդին:

Տարին որ ըլլորեցինք, եղաւ իրապէս վերանորոգման տարի մը, որովհետեւ իբրեւ կազմակերպուած համայնք եւ եկեղեցի, երախտընկալ սիրով եւ սուրբ համբոյրիւ տօնակատարեցինք մեր եկեղեցւոյ օժման 20-րդ տարեդարձը, ազգային անկեղծ գոհունակութեամբ ողջունելով զիրար այս լուսաւոր եւ յուսատու հանգրուանին:

Բոլոր անոնք որ անցնող քսան եւ աւելի տարիներու ընթացքին ինչ ինչ ալեկոծուած ծովերէն ու ովկեաններէն ազատուելով ապաստան գտան այս խաղաղ ափերուն, անոնք միայն կրնան երախտագէտ սրտով հաստատել այն ջերմ եւ սիրալիր հայկական օջախը, որուն շուրջ համայնքութեամբ եւ բարի կամեցողութիւն ունեցող հայ մարդոց շնորհիւ ինքզինքնին գտան այս հայ տոհմիկ հաւաքականութեան մէջ:

Եւ ինչ է արդարեւ ամենէն մեծ մխիթարութիւնը ժողովուրդի մը, եթէ ոչ քաղուժ տառապանքներէ ու տարագրութենէ ետք կրկին զիրար գտնելու, զիրար քաջալերելու եւ զիրար ամբողջացնելու գոհունակութիւնը՝ իր ցեղային միութիւնը խորհրդանշող Հայց. Եկեղեցւոյ փրկարար եւ ստեղծարար հովանիին ներքեւ:

Եւ մենք այդ ամբողջականութեան գիտակցութիւնը ժառանգեր ենք մեր հայրերէն, "որք էին ամենեքեան միաբան ի միասին", նոյն հոգիով եւ նոյն ցեղային միութեան գիտակցութեամբ ծառայելու իրարու" ուրախութեամբ եւ միամտութեամբ սրտի" իբրեւ եղբայրական սէր, ընդունող եւ տուող անդամներ հանդիսանալով:

Անցեալ տարի նշանակալից տարի մը եղաւ մեր ամբողջ Թեմին համար, Ամերիկայի Հայոց Առաջնորդութեան կազմութեան 75-ամեակին առթիւ, որուն մէկ ճիւղն է նաեւ մեր եկեղեցական կազմակերպութիւնը: Մենք երախտապարտ սիրով եւ ազգային անկեղծ հաւատարմութեամբ անդրադարձանք այդ մեծ յիշատակելի տարեթիւին, որ կրկնապէս նուիրագործուեցաւ Ամենայն Հայոց Հայրապետի սրբատառ Կոնդակով:

Որքան ալ այդ մեծ տարեթիւը տխուր էջեր բացաւ մեր առջեւ, եւ սակայն մենք ողջմտութիւնը ունեցանք կենդանի դասեր հանելով աւելի հիմնական եզրակացութիւններով մեր Թեմական իշխանութիւնը աւելի հաստատ հիմերու վրայ դնելու, եւ Թեմը կազմող եկեղեցիները իրենց ուղիղ եւ արդար առաքելութեամբ աւելի գործօն դարձնելու:

Այսօր Ամերիկայի Հայոց Առաջնորդութիւնը իր կոթողական կառոյցներով իր Առաջնորդարանի կողքին, ազգային արժանապատուութեան ներ ներշնչում եւ նոր վստահութիւն կու տայ մեր բոլորին, Ամերիկայի եւ Գանատայի մէջ:

Մեր սեպուհ պարտքն է զօրացնել Ազգային Առաջնորդարանը, զօրացուցած ըլլալու համար մեր ազգին միասնականութեան ըմբռնումը, փոխադարձ իրարօգնութեան եւ պատասխանատուութեան կապերով:

Արդէն մեր անդամներէն շատեր տարիներէ ի վեր կանոնաւորաբար կը ստանան Ազգային Առաջնորդարանի գոյգ պաշտօնաթերթերը իբրեւ կենդանի հաղորդակցութեան կապ մը:

Այդ հաղորդակցութեան իբրեւ արդիւնք մեցի համար մեծ գոհունակութիւն պատճառեց մեր եկեղեցւոյ անդամներէն Սեդրակ Ատուրեանի, Զաւէն Մեսրոպեանի եւ Վահէ Ունժեանի տարեկան սրտաբուխ նուիրատուութիւնը, որոնք մեր եկեղեցւոյ անունով կու գան իրենց նոր մէկ վկայութիւնը տալու իրենց անկեղծ եկեղեցասիրութեան, անդամակցելով նաեւ Առաջնորդարանիս Ս.Վարդան Մայր Տաճարին: Առաջնորդ Ս.Հայրը գնահատելով համայնքիս երեք պատուակալ անդամներուն վեհանձն բարի կամեցողութիւնը, իրենց ուշիմութեամբ եւ ջանասիրութեամբ ձեռք ձգած բարիքներէն բաժին հանելու մեր ազգին Ամերիկայի մեծագոյն նիւ Եորքի Առաջնորդանիստ Ս.Վարդան Մայր Տաճարին, մեզի դրկած է իրենց Ս.Վարդանի Տնտեսութիւնը խորհրդանշող զարդակոծակները, որոնք այս հանդիսաւոր առիթով եւ հաճոյքով իրենց պիտի յանձնենք, մաղթելով որ նոյն հոգին տիրապետէ համայնքիս բոլոր անդամներուն մէջ: Մենք մեր անկեղծ երախտագիտութիւնը կը յայտնենք Ս.Վարդանի Թորոնթոյի Տնտեսներուն, մաղթելով որ երկար եւ քաջառողջ տարիներ կրեն այդ զարդակոծակները ի փառս Հայց.Ս.Եկեղեցւոյ

Եկեղեցական ժամապաշտութիւններն ու կրօնական պարտականութիւնները կատարուեցան կարելիութեանց եւ պատշաճութեան սահմաններուն մէջ: Եկեղեցին, աղօթքի Տունը, հոգեւոր ապրում ունենալու վայր մըն է: Մենք մասնաւոր կարիքը պէտք չէ զգանք ստեղծելու արուեստական միջոցներ եւ մասնաւոր առիթներ, Եկեղեցին քչիկ մը տաքցնելու եւ լեցնելու համար հաւատացեալներով, եւ հանդիսաւոր օրերէն դուրս եկեղեցւոյ պարապութիւնը աւաղելու, կամ եկեղեցի գանք լոկ Ս.Պատարագի մէկ մասին եւ կամ վերջին մասին ներկայ գտնուելու: Մենք սրտանց շնորհակալ ենք Աստուծոյ զոհողութիւններուն համար բոլոր անոնց, որոնք իրենց պարտականութեան գլուխը գտնուելով հաւատքի ներոսներ հանդիսացած են մեր համայնքի կեանքին մէջ, երկար տարիներէ ի վեր ապահովելով խաղաղ եւ ներդաշնակ երգեցողութիւն մը, ներկայ հաւատացեալներուն պարգեւելով հոգիի, մտքի եւ նաեւ ջիղերու անդորրութիւն մը: Մենք կը հաւատանք որ Հասարակաց Աղօթքը, մեծագոյն ոյժն է ընկերութեան, միասին աղօթողները միասին կը մնան ոչ միայն երջանկութեան եւ խաղաղութեան պահերուն, այլ նաեւ փորձութեան, նեղութեան եւ տառապանքի շրջաններուն: Զօրացնենք մեր մէջ միասին աղօթելու զգացումը, որպէսզի կարենանք ունենալ ոյժը հաւաքաբար դիմանալու այլասերիչ ազդակներուն:

Ունեցանք պարբերական այցելութիւնները հոգեւոր հայրերու եւ եղբայրներու ի միխթարութիւն ժողովուրդին.-

- Արժ.Տ.Աեւոն ԲԳ.Առաքելեան, Մայիս 13, Մայրերու Օրուան առթիւ:
- Հոգ2.Տ.Յուսիկ Ժ.Վրդ.Պաղտասեան, Մայիս 17:
- Հոգ2.Տ.Զաւէն Ժ.Վրդ.Արզումանեան, Գանատայի Առաջն.փոխանորդ
 - 1.-Յունիս 10, Հայ Դպրոցի Ամսվերջի Հանդէսին առթիւ,
 - 2.-Հոկտ. 14, մեր տարեկան արձակուրդին առթիւ:
- Հոգ2.Տ.Վազգէն Վրդ.Քէշիշեան, դարձեալ մեր տարեկան արձակուրդին առթիւ:
- Առաջնորդ Ս.Հայրը, եկեղեցւոյս օժման 20-րդ տարեդարձին առթիւ Դեկտեմբեր 9:

Եկեղեցապատկան մարմիններու եւ կազմակերպութեանց նշանակալից գործունէութիւնները մեզի վստահութիւն կը ներշնչեն աւելի լաւատես ըլլալու: Եւ սակայն տակաւին հրամայական պահանջքը ունինք համակարգելու մեր գործունէութիւնները, ներդաշնակօրէն յառաջ տանելու համար մեր ազգային եկեղեցական առաքելութիւնը:

Մեզի համար մեծ մխիթարութիւն եղաւ երկու տարի առաջ հայ դպրոցիս խումբ մը երկսեռ աշակերտներէ կազմուած կրտսեր դպրաց դասի մը կազմութիւնը, որ շնորհիւ իր երկու տարիներու փորձառութեան եւ կանոնաւոր փորձերուն, արդէն կարելոր նուաճում մը արձանագրեց, հայ պատանին հայ եկեղեցւոյ սրբազան երգեցողութեան պատրաստելու տեսակէտէն: Այս առթիւ կը գնահատենք այն ջերմեռանդ ծնողները, որոնք հայ ծնողքի վայել նախանձախնդրութեամբ, տիպար օրինակ հանդիսացան իրենց զաւակները առաջնորդելով եկեղեցւոյ հոգեւոր կեանքին, այսպիսով առողջ հունտերը ցանելով անոնց հոգիներուն մէջ եկեղեցասիրութեան եւ ծառայասիրութեան, ի պայծառութիւն Ս.Յկեղեցւոյ եւ ի գոհունակութիւն բոլորիս:

Ապահովելու համար հիմնական կազմակերպումը Կիրակնօրեայ Դպրոցիս եւ աւելի առողջ հիմերու վրայ դնելու համար հայ նորահաս սերունդին կրօնա-բարոյական դաստիարակութիւնը, մեր նախկին ուսուցիչներու Երուանդ Զուլմեանի եւ Տիգրան Դազարեանի հետ պաշտօնի կոչեցինք նոր ձեռնհաս ուսուցիչներ, նորայր Տէր Վարդանեան, Մուրատ Պահուտեան, Օր.Նուարդ Թումայեան եւ Օր.Օրօթրա Գազանճեան, որոնք պատասխանատուութեան խոր գիտակցութեամբ նոր աւիշ եւ նոր կենսունակութիւն խոստացած են տալ: Եւ սակայն տակաւին սրտագին գործակցութեան կարիքը ունինք մեր սիրելի ծնողներուն, վասնզի մենք կը հաւատանք որ անոնց այսօրուան թանկագին գոհողութիւններն են որ պիտի ապահովեն վաղուան առողջ եւ օրինակելի սերունդը մեր հոգեւոր ազգային կեանքին համար:

Գոհունակութեամբ կը հաղորդենք թէ Կիրակնօրեայ Դպրոցի ուղղութեամբ Ամերիկայի Հայոց Առաջնորդութեանց Ս.Ներսէս Ենորհալի Աստուածաբանական ուսանողները շնորհալի ձեռնհասութեամբ լծուած են արդիական դասագիրքերու պատրաստութեան, ուսուցիչներու եւ աշակերտներու գործածութեան համար: Վստահ ենք որ անոնց տարուէ տարի խնամեալ օգտագործումը մեծապէս պիտի բարելաւէ մեր այժմու դրութիւնը:

Այսօրուան մեր ներկային մեր խոր հաւատքով քաջ համոզուած ենք որ Կիրակնօրեայ Դպրոցն է այն ամուր կողանը որուն վրայ միայն կրնանք հաստատ պահել մեր եկեղեցւոյ երիտասարդակենսաշարժումը նոր իմաստ եւ նոր բովանդակութիւն տալով հայ երկսեռ երիտասարդութեան գործունէութեանց:

Պատուարժան ծխական խորհուրդիս գնահատելի նախաձեռնութեամբ եւ ծնողներու բարի գործակցութեամբ, կազմուեցաւ եկեղեցւոյս պատանիներէ եւ պարմանուհիներէ կազմուած նորակազմ պարախումբը, որ իր կանոնաւոր փորձերով եւ խստապահանջ կարգապահութեամբ, ուրիշ մէկ լուսաւոր իրագործումը հանդիսացաւ մեր եկեղեցւոյ ազգային-մշակութային կեանքի յառաջդիմութեան, արժանի մեր բոլորիս անվերապահ սիրոյն եւ ջերմ քաջալերութեան

Իբրեւ հայ հոգեւորական, երջանիկ պատեհութիւնը ունեցանք երկրորդ անգամ ըլլալով այցելելու եւ մեր երկտարուան միամսեայ արձակուրդը անցնելու Ս.Էջմիածնի Մայրավանքին մէջ, Առաջնորդ Ս.Հօր արտօնութեամբ եւ Պատ. ծխական խորհուրդիս կարգադրութեամբ Սեպտ.24-Հոկտ.26, 1973 :

Այսօր Ս.Էջմիածինը, Հայ հաւատքի եւ ազգային եկեղեցական կեանքի դարաւոր կեդրոնը, շնորհիւ Ամենայն Հայոց Հայրապետ Ն.Ս.Օ.Տ.Տ.Վազգէն Ա. Կաթողիկոսի ջանքերուն, հոգածութեան եւ սիրոյն, իր լուսաւոր ներկան կ'ապրի շարունակելով հաւատքի քաջութիւն, ոյժ եւ ջերմութիւն առաքել ի սփիւռս աշխարհի ցրուած իր զաւակներուն:

ինծի համար մեծ առանձնաշնորհում մըն էր հայրական անկեղծ հոգածութիւնը. ընդունելու ազգիս առաքելաշաւիղ եւ առաքինացեալ մեծանուն հայրապետին, որ իմ մէջ ներշնչեց իր անկեղծ եւ իրաւ հայ հոգեւորականի պայծառ կերպարը, որուն այնքան մեծ կարիքը ունինք սփիւռքի փերուն: Իսկ մեր մեծագոյն առանձնաշնորհումը եղաւ իր սուրբ ձեռքերէն ընդունելու ԽԱՀԶԱԲ մը պազալի քարէ ~~հոր~~ քանդակուած իբրեւ Հայրապետական նուէր եկեղեցւոյս 20-րդ տարեդարձին առթիւ: Թող այս թանկագին նուէրը կենդանի խորհրդանշանը ըլլայ մեր մշտնջենական անկեղծ վերաբերմունքին հանդէպ մեր Մայր եկեղեցիին, Ս. Էջմիածնին եւ անոր աստուածարեալ Գահակալին:

Վերջացնելէ առաջ մեր այս գրաւոր գեկոյցը, պարտք կը զգանք մեր մասնաւոր շնորհակալութիւնը յայտնել Պատ. ծխական խորհուրդին, եկեղեցւոյս անդամներէն Թազուր Պոտուրեանին, Արտաշէս Սարեանին եւ տակաւին բոլոր անոնց, որոնք իրենց աշխատանքով, քարի կամեցողութեամբ, սրտաբուխ նուէրներով ինչպէս նաեւ լրացուցիչ զոււարթ յատկացնելով օժանդակեցին հայր սուրբի սեպհական ինքնաշարժի գնման ֆօնտին:

Թող Աստուած վարձահատոյց ըլլայ բոլորին, առողջութեան, երջանկութեան եւ քարի գործերուն յաջողութեան լաւագոյն մաղթանքներով:

Բարեխօսութեամբ Վերին քո զօրացդ, միշտ անշարժ պահեա զաթոռ Հայկազնեայս:

Յաջողութիւն այս ժողովին եւ Աստուածային օրհնութիւն 2եգ բոլորիդ:
